

**Leeter masa Pawl ma  
wuzlalatar a  
Galat hay  
Mey da ray leeter ngada  
Galat hay**

Leeter e keɗe na, ara Pawl ma wuzlalatar a ngada ndəhay daa mecəmey-ray nga Yesu daa hwayak nga Galati fa dəba masawa anga fa ata (SNM 16.6; 18.23). Daa leeter keɗe na, Pawl a ləvey: «Cek mahura na, ara mepey Yesu Kəriste nga ndaw fara fara ta mewudey ndəhay mekele.» (5.6)

Da wuzlah ndəhay nga Yesu da Galati na, Jəwif hay daha, Jəwif hay ba hay daha may. Jəwif hay siya a ləvam si ndəhay Jəwif hay ba hay a təbmara mewey hay tabiya nga Jəwif hay, si a slam mandawal anda Jəwif hay amba a təram ndəhay nga Yesu. Pawl a ləvey, mey ata ha ngene, ara mey nga Gazlavay ba, maja ndaw a gwa nga tərey ndaw maaya fa mey nga Gazlavay ta fa cek masa anga ma ka ba, ama si ta fa mepey Yesu nga ndaw fara fara gway. (2.15-21)

Daa fasəlawal 5 haa 6, Pawl a ləvey si ndəhay nga Yesu a njam maaya maaya, a jənam vaw da wuzlah ata maja mewudey-vaw nga Kəriste. Gazlavay ta vəlndakwar Mesəfney anga la nga jəndakwar nga njeɗ maaya kəne may.

Daa leeter e keɗe na, mey mekele mekele daha nga vəley gədanj a ndəhay:

Kwakwas nga Mawiz a gwa nga tərda ndaw maaya fa mey nga Gazlavay ba, ama ara Yesu ma tərda ndaw maaya fa mey nga Gazlavay (3.10-14)

Mey da ray cek hay maaya ma sawa ta fa Mesəfney nga Gazlavay (5.22-23)

### *Mecey-har*

<sup>1</sup> Ara yah, Pawl, ma wuzlalakwara leeter kede. Yah \*ndaw-meslərey nga \*Yesu \*Kəriste. Ara ndaw ma walaya nga key ndaw-meslərey a ba, asaya, ara ndəhay ma slərdamiwa ba. Ma pamaya nga ndaw-meslərey na, ara Yesu Kəriste he ta ray anga leŋ \*Gazlavay Papan ma sləkdadərwa Yesu a daa meməcey.

<sup>2</sup> Ala macəmtakaya ta məlma aləkwa hay siya fede, ya camakwar har, akwar ndəhay daa mecəmey-ray hay nga Yesu daa hwayak nga Galati.

<sup>3</sup> Anja Papa aləkwa, Bay Gazlavay, ta Bay aləkwa Mahura Yesu Kəriste nga pəsmakwar mey, asaya, nga njadamakwar daa zazay.

<sup>4</sup> Kəriste ta vəlta ray anga la maja mebərey aləkwa, amba a ləhdandakwar da bəla masa maaya ba kede. Kəriste he ma ka anda kede na, a key a nar ray a mey masa Gazlavay Papa aləkwa ma wufey.

<sup>5</sup> Anja ndəhay nga həlmamara Gazlavay nga sərmataw. \*Amen.

*Mey da ray Mey-maaya-mawiya*

<sup>6</sup> Gazlavay ma zəlkwār amba ka səpmara na, menjey a ga daa ba. A zəlkwār na, maja aa ma sərey dey-ceceh fa akwar ta fa mewuɗeyvaw ŋga \*Kərīste. Wure keɗe, akwar fa mbəkdamara Gazlavay a, akwar fa təbam \*Mey-maaya-mawiya mekele. Ya fa rəzley ga da ray akwar maja.

<sup>7</sup> Fara fara Mey-maaya-mawiya mekele na, daa ba. Ama ndəhay mekele daha fa həbmakwar ray. A wuɗam ŋga nəsmara Mey-maaya-mawiya ŋga Kərīste.

<sup>8</sup> Ala ta wuzdamakwara Mey-maaya-mawiya ha la. Anda keɗe, da ndaw mekele, kwa ala, kwa maslan ŋga Gazlavay da vad, a wuzkwār Mey-maaya-mawiya mekele wal na, anja Gazlavay ŋga nəsa.

<sup>9</sup> Ala ta kadamakwara la, ama ya kadakwara wure keɗe saya. Da ndaw a wuzkwār Mey-maaya-mawiya mekele wal ta masa akwar ma təbmara keɗe na, anja Gazlavay ŋga nəsa ndaw aha.

<sup>10</sup> Yaw, wure keɗe ka wulkam na, ya fa səpey amba ndəhay aa həmdamaya daw? Kay, kəne ba! Ya səpey na, amba Gazlavay aa həmdaya. Asaya, ka wulkam ya fa səpey amba ya mbafatar a ndəhay daw? Kay, kəne ba, maja da ya fa səpey amba ya mbafatar a ndəhay cəŋga na, anja ŋgene, ya fa da key ndaw ma ka sləra ŋga Kərīste daa ba.

*Pawl a terey ndaw-meslöreey nga Yesu na, kwara?*

<sup>11</sup> Mөлma adaw hay, ya wudey ka sərmara \*Mey-maaya-mawiya masa yah ma wuzdakwara na, ara mewulkey nga ndəhay ba.

<sup>12</sup> Mey a na, ara ndaw ma kadiwa ba, ara ndaw maa sərkadiwa ba, ama ara Yesu \*Kəriste ma wuzdiwa mey a.

<sup>13</sup> Akwar ta cəndamara mey da ray menjey adaw zleezle la, daa masa ya fa səpey kwakwas nga \*Jəwif hay. Daa ngene, ya ta sərdəta banay la ga kalah ta ndəhay daa mecəmey-ray hay nga Yesu. Ya ta wudey la ngaa zəfdəta cəpa.

<sup>14</sup> Ya ta nar ray la a kwakwas nga Jəwif hay ma fənta Jəwif hay mekele masa mandala adaw hay. Ya ta vəlda mevel adaw la cəpa a kwakwas nga papan nga papa ala hay zleezle.

<sup>15</sup> Ama Gazlavay ta sərfaya dey-ceceh la, ta walaya sem dəga ya ta yawa daa ba aran, ta zəlya la amba ya terey ndaw ma ka sləra anga maja a mbafar.

<sup>16</sup> Gazlavay ta wuryawa dey la, ta wuzdiwa Bəzey anga la amba ya wuzdatara Mey-maaya-mawiya da ray a, a ndəhay masa Jəwif hay ba hay. Daa ngene, kwa ya taa cəfdəy ndaw nga slaya yawa daa ba.

<sup>17</sup> Asaya, ya ta daw a \*Jeruzelem nga jəkey sləmay fa ndəhay meslöreey nga Yesu masa ngeeme daa ba may. Ama wure wure ngene,

---

**1:11 1.11-12 1.1**    **1:13 1.13-14** SNM 8.3; 9.1; Fəl 3.5-6; 1Kwr 15.9    **1:15 1.15-16** Jer 1.5; SNM 9.3-5; 22.21; Rm 1.5; 1Kwr 9.1; 15.10

ya ta daw la aa hwayak nga Arap hay. Fa dɔba ha, ta', ya vɔhwa aa berney nga Damas.

<sup>18</sup> Fa dɔba ha, mevey maakar na, ya ta daw la aa berney nga Jeruzelem amba ya camawa ray ta \*Piyer, ya sɔrmawa vaw. Ya njamawa cew e luma cew gway.

<sup>19</sup> Fetede, ya ta hɔtey \*ndaw-meslɔrey mekele daa ba, si \*Jak, mɔlmanɔ nga Bay alɔkwa Mahura gway.

<sup>20</sup> Mey masa yah ma wuzlalakwara kede na, ara mey fara fara. Gazlavay a sɔra a key ya mbɔrzley ba.

<sup>21</sup> Fa dɔba ha, ta', ya daw aa hwayak nga Siri ta nga Silisi.

<sup>22</sup> Maja nɔgene, ndɔhay daa mecɔmey-ray hay nga ndɔhay nga Kɔriste daa hwayak nga \*Jude ta hɔtmaya ta dey ata daa ba.

<sup>23</sup> Ama ata fa cɔnam mey masa ndɔhay mekele maa guzlam da ray adaw ma lɔvam: «Ndaw ma sɔrdandakwar banay zleezle heyey na, wure kede fa wuzda Mey-maaya-mawiya masa aa ma wufey nga nɔsa heyey.»

<sup>24</sup> Ta', ndɔhay a, a hɔlmamara Gazlavay maja yah.

## 2

### *Ndɔhay meslɔrey nga Yesu a tɔbmara Pawl*

<sup>1</sup> Fa dɔ̃ba ha, mevey kuraw a ray a mɔ̃fad, ta', ya diyam ta \*Barnabas a \*Jeruzelem saya. Ya ta ngɔ̃la Tit la may.

<sup>2</sup> Yah ma daw a Jeruzelem e na, maja Gazlavay ma lɔ̃vya, maaya na, ya daw. Fetede, ala ta gu-cam la ta cakay ta \*bay-ray hay nga ndɔ̃hay ma tɔ̃ba mey nga Yesu. Ya ta kadatara mey da ray \*Mey-maaya-mawiya masa yah ma wuzdatara a ndɔ̃hay masa \*Jɔ̃wif hay ba la, maja ya wudɔ̃y slɔ̃ra adaw masa yah ma ka ta masa ya fa ka wure kede a tɔ̃rey nga cek nga tede ba.

<sup>3</sup> Tit masa ma lɔ̃gdaya na, ara ndaw Gɔ̃rek. Ama kwa ta tɔ̃kmar dɔ̃y nga sley mandawal anda Jɔ̃wif hay na, daa ba.

<sup>4</sup> Ama ndɔ̃hay ma tɔ̃bmara mey nga Yesu fara fara ba ta samawa la a wuzlah ala, a wudam nga tɔ̃kmar dɔ̃y a Tit e nga sley mandawal. Ndɔ̃hay a, a samawa a wuzlah ala na, ta mayal a, amba a sangalamandar da ala fa wam ray ala maja ala macɔ̃mkaya ta Yesu \*Kɔ̃riste kwa. A wudam nga tɔ̃rdamandar beke hay nga kwakwas nga Jɔ̃wif hay cɔ̃nga.

<sup>5</sup> Ala ta tɔ̃bmatarata mey ata kwa nga menjey nekɔ̃dɔ̃y daa ba sɔ̃lak. Mey-maaya-mawiya masa fara fara kede na, ya wudam a nɔ̃smara ba, amba a njej nga mey masa fara fara ngada akwar.

<sup>6</sup> Daa masa ya fa kadatara mey da ray Mey-maaya-mawiya masa yah ma wuzdatara a ndɔ̃hay na, bay-ray hay heyey masa ata ma

---

**2:1 2.1-2** 1Kwr 15.2; Fɔ̃l 2.16; **Barnabas:** SNM 4.36; **Tit:** 2Kwr 2.13 **2:1 2.1-10** SNM 15.1-19 **2:2 2.2** 2.6, 9 **2:4 2.4** 1.7; 5.1, 13; SNM 15.1, 24; 1Kwr 9.21

zəlmata mahura hay ta pam mey mekele a ray Mey-maaya-mawiya ha daa ba. Yaw, da ata mahura hay, da ata mahura hay ba, ngada yah na, ara cek nga tede, maja fa mey nga Gazlavay na, ndəhay tabiya ata letek.

<sup>7</sup> Ama sasəkar jak, a sərmara Gazlavay ta vəlya sləra la nga wuzey Mey-maaya-mawiya anda aa ma vəldara ngada \*Piyer. Ngada yah na, a ləvya nga wuzey Mey-maaya-mawiya a ndəhay masa Jəwif hay ba hay, ngada Piyer may, a ləvar nga wuzey Mey-maaya-mawiya a ndəhay Jəwif hay.

<sup>8</sup> Yaw, ara Gazlavay ma vəlar gədan a Piyer nga tərey \*ndaw-meslərey nga Yesu ngada fa Jəwif hay. Ara Gazlavay a ma vəlya gədan nga tərey ndaw-meslərey nga Yesu ngada fa ndəhay Jəwif hay ba hay may.

<sup>9</sup> Ata \*Jak ta Piyer len \*Jan masa ndəhay ma təba mey nga Yesu ma zəlmata bay-ray ata hay na, a sərmara Gazlavay ta vəldiwa sləra kede la fara fara nga key maja maaya anga. Maja ngene, a gagazamandar har ngada ala ta Barnabas, anda meləvey, mey ala ta ata letek. Ala ta wulkam la daa slam a ta ata amba ala ta Barnabas ya diyam nga wuzdamatara Mey-maaya-mawiya a ndəhay masa Jəwif hay ba hay. Ata may, a diyam a wuzdamatara ngada ndəhay Jəwif hay.

<sup>10</sup> Aa cəfdamandar na, cek pal gway. Ara nga jəney masa-viya hay daa \*mecəmey-ray nga ndəhay nga Yesu da Jeruzelem. Ara cek masa yah ma ka ta mevel adaw cəpa.

*Mey da ray ata Piyer ta Pawl daa berney nga Antiyaws*

<sup>11</sup> Fa dɔba ha, \*Piyer a sawa aa berney nga Antiyaws daa hwayak nga Siri. Ya ta mbɔɔɔar ray la maja aa ma key cek maaya ba.

<sup>12</sup> Yaw, daa masa Piyer ma wuswa a Antiyaws na, aa fa zɔmey ɔaf ta ndɔhay masa \*Jɔwif hay ba hay. Ama fa dɔba ha, ndɔhay Jɔwif hay masa da cakay \*Jak ma wusmawa na, Piyer a mbɔkda mezɔmey ɔaf ta ndɔhay Jɔwif hay ba ha, a ngɔchey ta cakay. A ka anda keɔe na, maja a zlurey ta Jɔwif hay ma lɔvam si ndɔhay masa Jɔwif hay ba tabiya a slam mandawal.

<sup>13</sup> Anda keɔe, Piyer na, ara ndaw masa ta neneh cew. Ndɔhay Jɔwif hay mekele ma tɔba mey nga Yesu ta tɔram ndɔhay masa ta neneh cew la anda Piyer e may. Kwa \*Barnabas ta ray aŋga ta tɔrey ndaw masa ta neneh cew sem anda ata may.

<sup>14</sup> Daa masa yah ma hɔtatar ata fa nɔsmara \*Mey-maaya-mawiya masa fara fara daa menjey ata ngene na, ta', yaa guzlar nɔgada Piyer fa mey nga ndɔhay tabiya: «Kah ndaw Jɔwif, ama ka ta sɔpa kwakwas nga ndɔhay Jɔwif hay na, daa ba. Ka ta key cek la anda ndɔhay masa Jɔwif hay ba ma kamara. Anda keɔe, ka lɔvtar a ndɔhay masa Jɔwif hay ba nga sɔpey kwakwas nga Jɔwif hay na, maja me?»

*Ndaw a tɔrey maaya fa mey nga Gazlavay na, kwara?*



15 Ala na, \*Jøwif hay fara fara ma yey ta yey. Ala na, wal ta ndəhay daa səkway hay mekele. Ndəhay a na, fa səpmara \*kwakwas nga Mawiz daa ba, ata ndəhay ta mebərey.

16 Ama ya səmbara ndaw aa maaya fa mey nga Gazlavay maja aa fa səpa kwakwas nga Mawiz na, kəne ba, si aa fa pa Yesu nga ndaw anga fara fara. Ala may, ya ta pamara Yesu \*Kəriste he la nga ndaw ala fara fara amba ya təram ndəhay maaya fa mey nga Gazlavay. Ala maaya fa mey nga Gazlavay na, maja ala fa səpmara kwakwas nga Mawiz daa ba, ama maja ala fa təbmara mey nga Kəriste. Mesəpey kwakwas nga Mawiz na, a tərda ndaw maaya fa mey nga Gazlavay ba səlak.

17 Ala Jøwif hay ma təbmara mey nga Yesu na, ala fa pamara Kəriste nga ndaw ala fara fara amba ya təram ndəhay maaya fa mey nga Gazlavay. Daa masa ala fa pamara Kəriste nga ndaw ala fara fara na, a padamandar nga ndəhay ta mebərey maja ala fa səpmara kwakwas nga Mawiz daa saba. Da anda keđe na, Kəriste fa mbəzdandar aa mebərey daw? Kay, kəne ba səlak.

18 Da ndaw a mbəkda meney ray a kwakwas nga Mawiz maja a səra fa da jəna daa ba, ama fa dəba ha, a vəhwa nga nar ray cənga na, anda keđe, ndaw aha ta key mebərey sem.

19 Daa mesəpey kwakwas nga Mawiz na, ya ta tərey la anda ndaw maməckaya. Anda meləvey, kwakwas nga Mawiz na, ara cek nga tede ngada

yah. Ara kwakwas a ma tərdaya anda ndaw maməckaya amba ya njeý ta dey nga kar sləra ngada Gazlavay. Daa masa ata ma dərmarə Kəriste fa hwadam mazlangalakaya nga məceý na, ara anda a dərəm na, yah, nga məceý may.

<sup>20</sup> Anda meləvey, menjey adaw masa anda zleezle na, daa saba, ama wure kedə Kəriste aa ta yah. Maja ngene, cek hay tabiya masa yah ma kata daa masa yah ta dey da bəla kedə na, ya kata ta meney ray a Bəzey nga Gazlavay. A wudya kalah, a vəlda heter anga nga məceý maja yah.

<sup>21</sup> Gazlavay a pandakwar nga ndəhay maaya fa mey anga na, ara maja aləkwa fa səpkwa kwakwas nga Mawiz ba, ama ara maja dey-ceceh anga gway. Ya fa da rəsa maaya nga Gazlavay a kedə daa ba. Da ndaw a gwa nga tərey maaya fa mey nga Gazlavay maja aa fa səpa kwakwas nga Mawiz na, anja ngene na, meməceý nga Kəriste ara cek nga tede.

### 3

#### *Gazlavay a da ləhda ndaw na, kwara?*

<sup>1</sup> Akwar Galat hay na, manjar lenjesl. Ta wuzdamakwara mey da ray meməceý nga Yesu \*Kəriste fa hwadam mazlangalakaya la maaya maaya fa mey akwar tabiya, ba diya? Kaa ma batakwar na, wa?

<sup>2</sup> Ya wudfey ngea cəfdakwar mey pal. Gazlavay ta vəkwar Mesəfney anga la. A vəldakwara na,

maja akwar ma sɔpmara \*kwakwas nga Mawiz daw? Kay, kɔne ba. Aa ma vɔldakwara na, maja akwar ma jɔkam slɔmay fa \*Mey-maaya-mawiya, asaya, maja akwar ma tɔbmara mey a, aa mevel akwar.

<sup>3</sup> Daa masa akwar ma zɔamar nga sɔpey cɔved nga Yesu, ka sɔpmara na, ta gɔdan nga \*Mesɔfney nga Gazlavay, ba diya? Kaa wure kede, ka mbɔkdamara Mesɔfney nga Gazlavay a, ka kam slɔra ta gɔdan akwar daada na, maja me? Akwar ndɔhay manjar lɔngesl anda kede na, kwara?

<sup>4</sup> Akwar ta sɔram banay la ga amba ka tɔbmara mey nga Yesu. Mesɔrey banay akwar a ngene na, ara cek nga tede daw? Anja nga tɔrey nga cek nga tede ba.

<sup>5</sup> Yaw, Gazlavay a vɔlkwar Mesɔfney anga na, maja akwar ma sɔpmara kwakwas nga Mawiz daw? Kay, kɔne ba. Gazlavay a key maazla hay da wuzlah akwar na, maja akwar ma sɔpmara kwakwas nga Mawiz daw? Kay, kɔne ba. Ama Gazlavay a vɔlkwar Mesɔfney anga, a key maazla hay da wuzlah akwar na, maja akwar ma jɔkam slɔmay fa Mey-maaya-mawiya ta akwar ma tɔbmara mey a, aa mevel akwar.

<sup>6</sup> Wulkam da ray \*Abɔraham taw, mawu-zɔlakaya daa dɛrewel nga Gazlavay, a lɔvey: «Abɔraham a pa Gazlavay nga ndaw anga fara fara. Ara maja ngene, Gazlavay ma pa nga ndaw maaya.»

<sup>7</sup> Anda kede na, sɔrmara, ndɔhay ma pamara

Gazlavay nga ndaw ata fara fara na, ara bəza hay nga Abərahān fara fara.

<sup>8</sup> Mawuzlalakaya daa dərəwel nga Gazlavay zleezle da ray cek ma da key, a ləvey Gazlavay a tərdata ndəhay masa \*Jəwif hay ba nga ndəhay maaya fa mey anğa. A ka anda keđe na, maja ata ma pamara Gazlavay a nga ndaw ata fara fara. Mey maaya keđe na, Gazlavay taa guzdara la dəga zleezle a Abərahān, a ləvar: «Ndəhay daa səkway hay tabiya a hətam mepəsey-mey adaw la ta fa kah.»

<sup>9</sup> Abərahān ta pa Gazlavay la nga ndaw anğa fara fara, maja ngene, Gazlavay ta pəsar mey la. Yaw, ndəhay tabiya masa ma pamara Gazlavay nga ndaw ata fara fara na, Gazlavay ta pəstar mey la may anda Abərahān a.

<sup>10</sup> Ndəhay tabiya ma wulkam ata maaya fa mey nga Gazlavay maja ata fa səpmara kwakwas nga Mawiz na, Gazlavay a nəsta la. Ara anda mawuzlalakaya daa dərəwel nga Gazlavay ma ləvey: «Kwa waawa ma səpa kwakwas nga Mawiz tabiya masa mawuzlalakaya daa dərəwel nga Gazlavay mandaw mandaw ba na, Gazlavay a nəsa la.»

<sup>11</sup> Fara fara, ndaw fa da tərey maaya fa mey nga Gazlavay maja anğa fa səpa kwakwas nga Mawiz na, daa ba. Yaa guzley anda keđe na, maja mey nga Gazlavay a ləvey: «Ndaw masa maaya fa mey nga Gazlavay na, ara ndaw ma pa Gazlavay nga ndaw anğa fara fara. Anda keđe,

a hōtey heter mendōvey ba la.»

<sup>12</sup> Ama mawuzlalakaya saya daa dērewel nga Gazlavay, a lōvey: «Kwa waawa ma sēpa kwakwas nga Mawiz mandaw mandaw, ma rōsa ba sōlak na, a hōtey heter la.» Mey a, a wudfey nga lōvey, mesōpey kwakwas nga Mawiz na, ara cek wal ta mepey Gazlavay nga ndaw fara fara.

<sup>13</sup> Yaw, Gazlavay ta nōndakwar sem maja alōkwa fa sōpkwa kwakwas nga Mawiz ta cōved e daa ba. Ama Kōriste ta sawa la a bōla, ta la menōsey alōkwa sem a ray anga amba a lōhdandakwar daa menōsey a. Ara anda mawuzlalakaya daa dērewel nga Gazlavay, ma lōvey: «Ndaw masa ata ma lōwmara fa hwadam \* na, Gazlavay ta nōsa sem.»

<sup>14</sup> Yesu Kōriste a ka cek aha anda kede na, amba Gazlavay a pōstar mey a ndōhay masa Jōwif hay ba, letek anda Gazlavay ma pōsar mey a Abōraham heyey. Asaya, kwa waawa ma pa Kōriste nga ndaw anga fara fara na, a hōtey Mesōfney nga Gazlavay la masa aa ma lōvey zleezle a da vōldatara a ndōhay anga hay heyey.

*Kwakwas nga Mawiz na, a gwa ngaa vōsa mey masa Gazlavay ma jōwa daw?*

---

**3:11 3.11** Hab 2.4; Rm 1.17; 3.20      **3:12 3.12** Lev 18.5; Rm 10.5  
 \* **3:13 3.13** ma lōwmara fa hwadam: Mawuzlalakaya daa Mew 21.22-23, a lōvey, da masa a kōdam ndaw vagay maja aa ma key cek maaya ba na, a lōwmara vagay a fa hwadam nga par hwaray. Pawl a wudfey nga lōvey na, memōcey nga Yesu fa hwadam mazlanjalakaya na, aa kōne.      **3:13 3.13** Mew 21.23; Rm 8.3; 2Kwr 5.21      **3:14 3.14** 3.2-5; Jwl 3.1-2

<sup>15</sup> Mølma adaw hay, ya wufey ya wakwara mey masa Gazlavay ma jøwa ta cek ma key mandaw mandaw daa menjey aløkwa. Yaw, da ndøhay cew, a jøwam mey ta cøved e fa mey nga ndøhay na, kwa ndaw a gwa ngaa vøsa mey a ba, kwa ndaw a gwa nga pey a dey a ba.

<sup>16</sup> Fara fara, Gazlavay ta løvar la a \*Abøraham a da pøsar mey ngada anga ta ngada bøzey ma da yawa da hwad anga. Mawuzlalakaya daa dferewel nga Gazlavay, ta løvey ngada bøza hay ma da yamawa da hwad anga cøpa na, daa ba. Anda meløvey, ndøhay ga ba. Ama aa guzley na, da ray bøzey da hwad anga pal letek gway, anda meløvey \*Køriste.

<sup>17</sup> Ehe, mabara nga mey masa yah ma wufey ngaa guzldakwara ha: Gazlavay ta jøwey mey la ta Abøraham, asaya, ta ka la amba mey ata majøwkaya ha a pøskew ba. Fa døba ha, mevey temere møfad ta kwakwar maakar na, Gazlavay a wuztar \*mewey anga a \*Jøwif hay amba a søpmara. Mewey a, fa da pøska \*mejøwey-mey nga ata Gazlavay ta Abøraham daa ba, fa da nøsa mejøwey-mey a daa ba may.

<sup>18</sup> Yaw, da Gazlavay a pøskwar mey la maja akwar ma søpmara \*kwakwas nga Mawiz na, anja ngene ara mepøsey-mey masa anga meløvey heyey saba. Ama a da pøskwar mey na, maja anga ma løvey a pøskwar mey la. Anda kedde, Gazlavay a kar maaya a Abøraham † na, maja aa

---

**3:16 3.16** MC 12.7; 17.7-8    **3:17 3.17** Mab 12.40    † **3:18 3.18**  
 Gazlavay a kar maaya a Abøraham: Nøka Galat hay 3.14ta SNM 2.17, Gazlavay a løvey: «Ya vøltar Mesøfney adaw la a ndøhay tabiya.»

ma løyey a kara la.

<sup>19</sup> Da anda keđe na, Gazlavay a wuzdatara mewey a, a Jøywif hay na, maja me? Gazlavay a wuzdatara mewey a na, amba ndøyhay a sørmara cek maaya ba masa ata ma kamara. Gazlavay a wuzdatara mewey a na, nga njeý nekøyfey haa kasl masawa nga bøyzey da hwad Abøyraham heyey. Ara bøyzey masa Gazlavay ma løyvar a Abøyraham a da pösar mey heyey. Gazlavay ta wuzdøyrwa kwakwas a la ta fa maslanj anja hay da vad. Maslanj anja hay a ta wuzdamøyrwa la ta fa ndaw ma cøymtar døy a ndøyhay ta Gazlavay ‡.

<sup>20</sup> Ndaw ma cøyma døy na, a diyey mey da wuzlah ndøyhay cew. Ama daa masa Gazlavay ma jøyweý mey ta Abøyraham na, ara anja pal taava anja ma ka gway, ndaw ma cøymtar døy na, daa ba.

*Kwakwas nga Mawiz a jøynta ndøyhay na, kwara?*

<sup>21</sup> \*Kwakwas nga Mawiz na, aa guzley wal ta mey daa \*mejøyweý-mey nga Gazlavay daw? Kay, køyne ba! Da fara fara kwakwas nga Mawiz a vøyltar heter mawiya a ndøyhay na, anja Gazlavay a pata ndøyhay nga ndøyhay maaya fa mey anja la ta fa kwakwas a may.

<sup>22</sup> Ama mawuzlalakaya daa dferewel nga Gazlavay na, ndøyhay tabiya da bøyla, mebøyrey fa

---

**3:18 3.18** Rm 4.14; 11.6 ‡ **3:19 3.19** Ndaw ma cøymtar døy a ndøyhay ta Gazlavay fede na, ara Mawiz. **3:19 3.19** Rm 4.15; **maslanj nga Gazlavay da vad:** SNM 7.38, 53; Heb 2.2 **3:20 3.20** Mew 6.4 **3:21 3.21** Rm 7.13; 8.2

wey da ray ata. Ara anda keđe amba Gazlavay a veldatara cek masa aa ma ləvey a da veldatara a ndəhay ma təbmara mey nga Yesu \*Kəriste. A veldatara na, maja ata fa pamara Yesu nga ndaw ata fara fara.

<sup>23</sup> Zleezle daa masa ala ndəhay \*Jəwif hay ma təbmara mey nga Kəriste daa ba arañ na, kwakwas nga Mawiz ta jəfndar la anda ndəhay daa fərsəne haa kasl Gazlavay ma wuzdandara cəved nga təbey mey nga Kəriste.

<sup>24</sup> Ara anda keđe, kwakwas nga Mawiz ma jəfndar haa kasl masawa nga Kəriste a bəla. A sawa na, amba ya təram ndəhay maaya fa mey nga Gazlavay, maja ala ma pamara Kəriste he nga ndaw ala fara fara.

<sup>25</sup> Wure keđe na, ala fa təbmara mey nga Kəriste, kwakwas nga Mawiz fa da jəfndar daa saba.

<sup>26</sup> Akwar tabiya bəza hay nga Gazlavay maja akwar fa təbmara mey nga Yesu Kəriste, anda meləvey, akwar macəmkaya ta Yesu Kəriste.

<sup>27</sup> Akwar ta hətam \*baptem la, maja ngene, akwar macəmkaya ta Kəriste. Wure keđe, akwar ta təram sem anda Kəriste he ta ray anğa.

<sup>28</sup> Wure keđe, ndəhay Jəwif hay ta ndəhay Jəwif hay ba na, ata letək fa mey nga Gazlavay. Kwa beke hay ta ndəhay ma wam ray ata, kwa zel hay ta nğusay, ata letək fa mey nga Gazlavay. Anda meləvey, akwar tabiya, akwar letək fa mey

---

**3:22 3.22** Rm 3.9-30; 11.32    **3:23 3.23** 4.3    **3:24 3.24-25** Rm 10.4    **3:26 3.26** 4.5, 7; Jan 1.12; Rm 8.14-17    **3:27 3.27** Rm 6.3; Ef 4.24    **3:27 3.27-28** Rm 10.12; 1Kwr 12.13; Kwa 3.9-11



nga Gazlavay maja akwar macəmkaya ta Yesu Kəriste.

<sup>29</sup> Yaw, da akwar ndəhay nga Kəriste na, anda kede, akwar bəza hay ma yamawa da hwaɗ \*Abəraham may. Maja ngene, Gazlavay a da pəskwar mey anda aa ma ləvey a da pəsar mey ngada Abəraham ta ngada bəza hay da hwaɗ anga heyey.

## 4

*Gazlavay a pata ndəhay nga bəz anga hay na, kwara?*

<sup>1</sup> Ehe, ya wufey ngaa guzlkwar saya: wulkam da ray bəzey ma da wa zleley nga papaha taw. Daa masa anga bəzey ɗagay na, kwa zleley tabiya masa mapakaya ngada anga na, a gwa a wa ba aran, anga anda beke.

<sup>2</sup> Daa ngene, ndəhay a nəkfamar dey, asaya, a nəkfamar dey fa cek anga hay may. A nəkfamar dey na, haa kasl pas masa papaha ma ləvey bəzey a ta gəley cay.

<sup>3</sup> Aləkwa na, anda bəzey a may. Daa masa aləkwa ma sərkwā cek masa Gazlavay ma wufey fara fara daa ba aran na, aləkwa beke hay nga cek hay mekele mekele masa ndəhay ma namatar ray da bəla kede.

<sup>4</sup> Ama daa masa Gazlavay ma wusdərwa ɗar a cay na, ta', a slərdərwa bəzey anga a bəla. Bəzey a, a tərey nga ndaw-magəɗan, a yawa da hwaɗ ngwas. Ta səpa \*kwakwas nga Mawiz la.

<sup>5</sup> Gazlavay a ka anda keđe na, amba bəzey anğa ha a ləhdata ndəhay ma səpmara kwakwas nğa Mawiz a, asaya, amba Gazlavay a, a tərdandakwar nğa bəz anğa hay.

<sup>6</sup> Ahaw, akwar na, bəz anğa hay fara fara. Ya sərkwə maja Gazlavay ta slərwa Mesəfney nğa Bəzey anğa la a ray aləkwa tabiya. Ara Mesəfney a, ma mbəzey aa aləkwa amba ya zəlkwa Gazlavay «Aba,» anda meləvey, Papay.

<sup>7</sup> Yaw, maja cek hay tabiya masa Gazlavay ma kakwara keđe na, akwar beke hay saba, ama akwar bəza hay nğa Gazlavay. Asaya, maja akwar bəza hay nğa Gazlavay na, Gazlavay a da vəkwar cek hay maaya tabiya masa aa ma dīytara nğada bəz anğa hay.

*Menjey nğa Galat hay a həbar ray a Pawl*

<sup>8</sup> Zleezle, daa masa akwar ma sərmara mey fara fara da ray Gazlavay daa ba aran na, akwar beke hay, akwar fa nam ray nğada mesəfney hay ma samawa ta fa Gazlavay ba.

<sup>9</sup> Ama wure keđe, ka sərmara mey fara fara da ray Gazlavay, nğama ya ləvey, Gazlavay a sərkwar fara fara. Kaa, ka vəham nğa səpey mesəfney hay a, kwara dəba wura? Ara cek hay masa-bəle, a gwamara nğa jənmakwar ba. Ka wufam nğa tərey beke ata hay saya na, maja me?

<sup>10</sup> Akwar fa walam dər hay mekele ma fənta siya hay, asaya, akwar fa walam kiya hay, ta

gwagway hay lenj mevey hay ma fənta siya hay  
 ɲga key kwakwas.

<sup>11</sup> Ray adaw fa həbey fa menjey akwar, maja  
 sləra adaw masa yah ma ka da wuzlah akwar a  
 da tərey ɲga cek ɲga tede kwa.

<sup>12</sup> Məlma adaw hay, ya fa kakwar ambahw,  
 təram anda yah, beke ɲga \*kwakwas ɲga Mawiz  
 saba, maja ya ta tərey la anda akwar ndəhay  
 masa \*Jəwif hay ba hay. Zleezle na, akwar ta  
 kamaya cek maaya ba daa ba.

<sup>13</sup> Akwar fa sərfadamara yah ma wuzdakwara  
 \*Mey-maaya-mawiya ɲgeeme na, maja vaw fa  
 caya.

<sup>14</sup> Daa ɲgene, macay adaw a, ta sərdakwar  
 banay la. Ama kwa akwar ta rəsmaya daa ba,  
 akwar ta bəldamaya mey daa ba. Sasəkar jak,  
 akwar ta təbmaya la anda yah na, \*maslanj ɲga  
 Gazlavay da vad, da daa ba, anda yah na, Yesu  
 \*Kəriste.

<sup>15</sup> Daa ɲgene, akwar ta meesəmey ga, ama  
 wure keɖe, kaa səmam saba na, kwara? Ya  
 səra fara fara daa ɲgene anja da ka gwamara  
 na, akwar ta wuzlkamatərwa dey akwar hay la  
 ɲgada yah.

<sup>16</sup> Kaa wure keɖe, ya ta tərey masa-gəra akwar  
 sem maja ya faa guzlkwar mey fara fara daw?

<sup>17</sup> Ndəhay ma wudam amba ka səpam kwak-  
 was ɲga Mawiz heyey na, fa dɛdamakwar amba  
 mewulkey akwar a tərey anda ɲga ata. Ama a  
 kamara anda ɲgene na, ɲga nəskwar, ba na, ɲga

dīykwār ba. A wudfām ka wudfkām ta yah, ka mbəkdamaya, ka tēbam mewulkey ata.

<sup>18</sup> Da ndəhay a cəmam dəy ta akwar ŋga key cek maaya na, ŋgene, ara cek maaya mandaw mandaw, kwa daa masa yah da wuzlah akwar, kwa daa masa yah da wuzlah akwar daa ba.

<sup>19</sup> Akwar masa anda bəz adaw hay, ya fa sərey banay maja akwar saya. Mesərey banay adaw a na, anda hwađ ma car ŋgada ŋgwas ma da yey. Ya da sərey banay a haa kasl mewulkey akwar ma tərey anda ŋga Kərīste.

<sup>20</sup> Ya wudfey ŋga daw ŋga njeý ta akwar wure kede amba ya slakwar yawa. Fara fara, ray adaw fa həbey, maja ya səra cek masa yah ma da kakwara ba.

*Mey da ray bəza hay cew ŋga Abərahām*

<sup>21</sup> Akwar ndəhay ma wudfām ŋga neý ray a \*kwakwas ŋga Mawiz, ya wudfey ŋgaa cəđfakwar: akwar ta cəndamara kwakwas ŋga Mawiz maa guzley na, daa ba daw?

<sup>22</sup> Mawuzlalakaya daa đerewel ŋga Gazlavay, a ləvey na, \*Abərahām aŋga ta bəza hay cew. Bəzey laŋgar na, ara ŋgwas beke mezəley Agar ma yarawa. Bəzey laŋgar may, ara ŋgwas masa beke ba mezəley Sara ma yarawa.

<sup>23</sup> Bəzey ma yawa ta ŋgwas beke na, a yawa ta fa mewulkey ŋga ndaw-magəđan. Ama bəzey ma yawa ta ŋgwas masa beke ba na, a yawa maja Gazlavay ma ləvar a Abərahām a da vələr bəzey.

<sup>24</sup> Ya gwa ya wata ngusay cew kefe ta \*mejəwey-mey hay cew masa Gazlavay ma jəwa ta ndəhay. Agar ngwas beke na, a wuzwa mejəwey-mey nga Gazlavay ta \*Mawiz daa aŋgwa nga Sinay zleezle. Bəza hay masa Agar ma yatərwa a təram beke anda aŋga.

<sup>25</sup> Agar a na, mapakaya anda mejəwey-mey nga Gazlavay masa aa ma jəwa daa aŋgwa nga Sinay daa hwayak nga Arap hay heyey. Aa mapakaya saya anda berney nga \*Jeruzelem wure kefe, maja ndəhay daa berney a, ata beke nga kwakwas nga Mawiz.

<sup>26</sup> Ama Jeruzelem masa da gazlavay da vad na, aŋga anda Sara, ngwas masa beke ba. Ara aŋga mama aləkwa.

<sup>27</sup> Ara anda mawuzlalakaya daa dferewel nga Gazlavay ma ləvey:

«Sesəmey Jeruzelem, kah anda ngwas-dərlay masa ta yey bəzey daa ba.

Wudey ta meesəmey, kah anda ngwas masa hwaɖ ta car nga mayawa bəzey daa ba,

Maja ngwas-dərlay masa zel e a wuɖa saba na, a da hətey bəza hay ga ma fəna nga ngwas ta zel e.»

<sup>28</sup> Məlma aɖaw hay, akwar na, bəza hay nga Gazlavay anda \*Izak, bəzey nga ngwas masa beke ba masa Gazlavay ma ləvey zleezle a da vəldara a Abəraham heyey.

<sup>29</sup> Daa ngene, bəzey ma yawa ta fa mewulkey nga ndaw-magədaŋ na, fa sərda banay ta bəzey

masa ma yawa ta fa gədanŋ nga \*Mesəfney nga Gazlavay. Wure keɗe, ndəhay fa kamara kəne may.

<sup>30</sup> Ama mawuzlalakaya daa ɗerewel nga Gazlavay, a ləvey na, kwara? A ləvey na: «Bəla ŋgwas beke la ta bəzey aŋga. Bəzey nga ŋgwas masa beke ba na, a da zəma way nga papaha tabiya, ama bəzey nga ŋgwas beke na, kwa fa da zəmey cek nga papaha daa ba səlak.»

<sup>31</sup> Yaw, ŋgwas beke na, aləkwa bəz aŋga hay ba, ama aləkwa bəza hay nga ŋgwas masa beke ba ma yamawa ta gədanŋ nga Mesəfney nga Gazlavay.

## 5

*Ndəhay nga Yesu a da təram beke nga kwakwas nga Mawiz saya na, kwara?*

<sup>1</sup> \*Kəriste ta pəskandakurwa sem dasi har nga \*kwakwas nga Mawiz amba ya wakwa ray aləkwa fara fara. Da ray ŋgene, kam gədanŋ, wam ray akwar, ka da vəlmar cəved a ndaw nga tərdakwar beke nga kwakwas nga Mawiz saba.

<sup>2</sup> Jəkfamaya sləmay, yah Pawl, ya faa guzlkwar, da ka slam mandawal amba ka səpam kwakwas nga Mawiz saya na, ŋgene, cek masa Kəriste ma ka ŋgada akwar na, ara cek nga tede.

<sup>3</sup> Yaw, ya fa kət看war saya, kwa waawa ma təba nga sla mandawal na, si a səpa kwakwas nga Mawiz a tabiya, kwa a mbəkey kwakwas a pal ba.

<sup>4</sup> Da akwar fa sɔpam nga tɔrey maaya fa mey nga Gazlavay ta fa kwakwas nga Mawiz na, ngene, ka ta wudkam sem ta Kɔriste. Maaya nga Gazlavay aa da ray akwar daa ba sɔlak.

<sup>5</sup> Ala na, ya sɔmara Gazlavay a pandar nga ndɔhay maaya la fa mey anga maja ala fa pamara Kɔriste nga ndaw ala fara fara. Ta fa gɔdan nga \*Mesɔfney nga Gazlavay ala fa sɔkwama amba Gazlavay a pandar nga ndɔhay maaya fa mey anga ha.

<sup>6</sup> Yaw, ngada ndaw macɔmkaya ta Yesu Kɔriste na, ta sla mandawal la, kwa ta sla daa ba na, fa da mbɔɔɔɔ cɛk fa anga daa ba. Cɛk mahura na, ara mepey Yesu Kɔriste nga ndaw fara fara ta mewudɔɔɔ ndɔhay mekele.

<sup>7</sup> Zleezle na, akwar fa kam gɔdan nga daw fa mey fa mey daa cɔvɛɔɔ nga Yesu. Kaa wure kedɛ, ma tɔkakwar nga sɔpa mey masa fara fara na, wa dɔba wa?

<sup>8</sup> Mey hay masa ndɔhay maa guzldamara nga batakwar na, mey hay a, ara mey hay nga Gazlavay ba, maja ara Gazlavay a ma walakwar.

<sup>9</sup> Mey hay maaya ba ngene a da zɔvey fa mey fa mey, anda cɛk ma hɔsla hapa nga makala na, anga kuset kɔɔɔɔ, ama a hɔsla hapa nga makala madakaya cɔpa.

<sup>10</sup> Ta ngene he cɔpa, ya sɔra mewulkey akwar na, fa da key wal ta nga yah daa ba, maja alɔkwa tabiya macɔmkaya ta Yesu Kɔriste. Ndaw masa

ma hœbkwâr ray na, kwa da ara waawa na, Gazlavay a kar sariya la.

<sup>11</sup> Mœlma adaw hay, ndœhay fa mbœrzlafamaya, a lœvam ya fa wuzey mey, ya lœvey si ndœhay a slam mandawal cœnga. Kaa da anda keƒe na, a sœrdamaya banay maja me dœba me? Ndœhay fa sœrdamaya banay cœnga keƒe na, a wuzwa fara fara yaa sœrkadata ndœhay amba a lœham na, si ta fa memœcey ņga Kœriste fa hwadam mazlangalakaya gway.

<sup>12</sup> Ndœhay ma hœbmakwar ray da ray \*mesley mandawal na, anja ņga ņjam anda gœnaw hay maangwafatakaya.

<sup>13</sup> Mœlma adaw hay, Gazlavay a zœlkwâr na, amba ka tœram ndœhay ma wam ray ata. Ama mewey ray akwar aha na, ta vœlkwâr cœved ņga key cek hay maaya ba ma bawa daa mewulkey ņga ndaw-magœdaņ na, daa ba. Sasœkar jak, wufam vaw da wuzlah akwar, asaya, jœnam vaw da wuzlah akwar.

<sup>14</sup> Kwakwas ņga Mawiz cœpa na, macœmkaya tabiya daa mewey pal ma lœvey: «Si ka wufœ meseembew akah anda kah ma wufœ ray akah.»

<sup>15</sup> Ama da akwar fa zam vaw da wuzlah akwar, asaya, akwar fa zœmam vaw da wuzlah akwar anda gœnaw hay masa-hœma na, si ka pam lenjesl, ka mbœkdamara cek hay a ņgene, da daa ba na, ka daa zœƒam ray akwar.

---

**5:10 5.10** 1.7    **5:11 5.11** 6.12, 14; 1Kwr 1.23    **5:13 5.13** 1Kwr 6.12; 10.23-24; 1Pi 2.16    **5:14 5.14** Lev 19.18; Rm 13.9    **5:15 5.15** Jak 4.1-2



*Mey da ray mewulkey nga ndaw-magədan ta sləra nga Mesəfney nga Gazlavay*

<sup>16</sup> Ehe, jəkam sləmay, ya fa ləvkwar, vəlmar cəved a \*Mesəfney nga Gazlavay nga wey da ray akwar. Anda kedə, akwar fa da kam cek hay maaya ba ma bawa daa mewulkey nga ndaw-magədan na, daa saba.

<sup>17</sup> Cek hay maaya ba masa mevel nga ndaw-magədan ma wudəy nga ka na, ata wal ta cek hay masa Mesəfney nga Gazlavay ma wudəy ya kakwa. Asaya, cek hay masa Mesəfney nga Gazlavay ma wudəy ya kakwa na, ata wal ta cek hay masa mevel nga ndaw-magədan ma wudəy nga ka. Cek hay a na, ata wal wal, a cəmam ba. Ara maja ηgene, ka gwamara nga key cek mandaw mandaw anda akwar ma wudəam ba.

<sup>18</sup> Ama da Mesəfney nga Gazlavay fa wey da ray akwar na, ηgene \*kwakwas nga Mawiz fa da wey da ray akwar daa saba.

<sup>19</sup> Ya sərkwə fara fara, cek hay masa mevel nga ndaw-magədan ma wudəy nga ka na, ara meley-vaw saw, mewulkey mandaw mandaw da ray cek hay ma nəsa ndaw, leη mekey cek hay ma ka hwaray.

<sup>20</sup> Asaya, cek hay masa mevel nga ndaw-magədan ma wudəy nga ka na, ara meney ray a kuley hay, mekey maazla hay maaya ba, merəsey vaw, mewudkey dəy, mekey səleη, mecey-mevel kalah, mesəpey nga fəney ndaw

---

**5:16 5.16** 5.25; Rm 8.2-13    **5:17 5.17** Rm 7.13-23    **5:18 5.18**  
 Rm 6.14; 7.4    **5:19 5.19-21** Rm 1.28-32; 1Kwr 6.9-10; Ef 5.3-5;  
 Kwa 3.5-8; 1Tm 1.9-10; 2Tm 3.2-5; 1Pi 4.3; CWJ 22.15

mekele, meweley vaw ta weley, leŋ mewudkey d̄ay ta nd̄ohay mekele.

<sup>21</sup> Yaw, cek hay masa mevel ŋga ndaw-maḡođan ma wud̄ey ŋga ka na, mekele daha saya, ara mekey maagway fa cek ŋga ndaw, mewey ta wuzam, mekusey daa slam a ŋga key cek hay malamba leŋ mekey cek hay mekele mekele masa malamba anda keđe hay. Ya ta k̄atkwar la, ama wure keđe, ya k̄atkwar saya, nd̄ohay ma kam cek anda keđe hay na, fa da njam da wuzlah nd̄ohay masa Gazlavay fa wey da ray ata na, daa ba.

<sup>22</sup> Ama da Mes̄ofney ŋga Gazlavay fa wey da ray ndaw na, ndaw a, a key sl̄era maaya, aŋga anda wudez ta slaslalay maaya ma yey bab̄oza. Cek hay maaya ma sawa ta fa Mes̄ofney ŋga Gazlavay na, ara mewud̄ey-vaw, mees̄omey, zazay, meb̄osey banay, mes̄orey dey-ceceh fa ndaw, mekey maaya, mekey cek ta c̄oƵed̄ e mandaw mandaw,

<sup>23</sup> met̄orey ŋga ndaw meekwed-mey, leŋ mewey vaw fa mekey cek hay saw. Yaw, kwakwas ŋga Mawiz na, a t̄okta nd̄ohay ŋga key cek hay anda keđe ba.

<sup>24</sup> Nd̄ohay ŋga Yesu \*K̄oriste na, ta mb̄ekdamara cek hay maaya ba masa ata ma wudam ŋga kamara sem. A mb̄ekdamara na, ara anda a d̄ermata cek hay maaya ba ha fa hwadam mazlanjalakaya.

<sup>25</sup> Ara Mes̄ofney ŋga Gazlavay ma v̄elndakwar menjey mawiya. Da ray ŋgene, v̄elkwar c̄oƵed̄

a Mesəfney nga Gazlavay a nga wey da ray aləkwa.

<sup>26</sup> Ya da gəlkwa ray ba, ya da padatakwa ndəhay mekele nga cek hay saw ba, asaya, ya da kakwa səleŋ da wuzlah aləkwa ba may.

## 6

### *Mey da ray ndəhay nga Yesu ma da jənam vaw*

<sup>1</sup> Məlma adaw hay, da ka hətam ndaw da wuzlah akwar fa key mebərey na, ara akwar ndəhay masa ta \*Mesəfney nga Gazlavay da ray keđe ma da jənmara ndaw aha, ma da vəhdamərwa aa cəved maaya. Ama ka da jənmara ha na, ta mevel maaya ta mey maakwad a. Kwa waawa da wuzlah akwar nga wey vaw maja a da tədey aa mebərey nga ndaw aha.

<sup>2</sup> Da banay da wuzlah akwar daha na, jənam vaw. Da masa akwar fa kamara kəne na, a key ŋgene, ka namar ray a mewey nga \*Kəriste.

<sup>3</sup> Da ndaw a wulkey aŋga mahura, anja aŋga mahura ba na, a key ŋgene, a bəmey ray aŋga.

<sup>4</sup> Kwa waawa nga nəka menjey aŋga. Da a nəka aa maaya na, ŋgaa səmey da ray menjey aŋga ha gway, ba na, a da wulkey da ray menjey nga ndaw mekele ba.

<sup>5</sup> Yaw, kwa waawa nga nəkey dey fa sləra aŋga masa Gazlavay ma vəldara.

---

5:25 5.25 5.16; 1Kwr 6.19; Ef 4.30      5:26 5.26 Rm 12.10; Fəl  
2.3      6:1 6.1 Mt 18.15; Jak 5.19; 1Kwr 10.12      6:2 6.2 1Kwr 9.21;  
2Kwr 11.29      6:3 6.3 1Kwr 4.7      6:5 6.5 Rm 2.6; 14.12

<sup>6</sup> Asaya, kwa waawa maa sərkey mey nga Gazlavay na, maaya a wunkamara cek anga hay ta ndaw maa sərkada ha.

*Mey-menjey da ray menjey nga ndaw ta makawa cek hay da ley*

<sup>7</sup> Ka da bəmam ray akwar ba, Gazlavay a wudey ndaw nga kada wasa ba. Cek wura wura masa ndaw ma sləka a ley na, a da kawa da ley a na, cek aha.

<sup>8</sup> Anda meləvey, da ndaw a key cek ma mbafar a vaw anga daada gway na, ηgene, a daa zəɗda ray anga. Ama da a key cek ma mbafar a \*Mesəfney nga Gazlavay na, ηgene, a da hətəy heter mendəvey ba ma sawa ta fa Mesəfney nga Gazlavay a.

<sup>9</sup> Da anda keɗe na, si ya kakwa cek hay maaya ηgada ndəhay, ya da gərkwə ba. Fara fara, da masa ya ta gərkwə daa ba, pas a ma wuswa cay na, ya hətkwə mawurbay nga sləra aləkwə la.

<sup>10</sup> Anda keɗe, daa masa aləkwə ma hətkwə har la kaa na, kakwa maaya a ndəhay tabiya. Kakwa maaya ma fəna saya na, ηgada ndəhay ma təba mey nga Yesu \*Kəriste.

*Mey nga madagway-dakw*

<sup>11</sup> Nəkmara, mey nga madagway-dakw keɗe na, mawuzlalakaya mahura mahura, *ara yah ma wuzlalakwara ta har adaw.*

---

**6:6 6.6** 1Kwr 9.11, 14    **6:8 6.8** Jan 3.6; 6.63; Rm 8.6, 13    **6:9 6.9** 2Tes 3.13    **6:10 6.10** Jan 13.34; Rm 12.10; 13.8; 14.15; 1Kwr 8.1; *fasəlawal* 13; 2Kwr 8.7-8; Gal 5.6, 13-14; Ef 5.2; Fəl 2.2; 1Tes 3.12; 4.9; 1Tm 1.5; Heb 13.1; 2Pi 1.7    **6:11 6.11** 1Kwr 16.21

<sup>12</sup> Ndohay daha fa tœkmakwar day nga sœpey \*kwakwas nga Mawiz ta fa \*mesley mandawal. A tœkmakwar day a na, maja mewulkey nga ndaw-magœdan gway. A kamara anda kedœ na, a wudam ndohay aa hœmdamata. Asaya, a wudam nga wuzey mey da ray memœcey nga \*Kœriste fa hwadam mazlangalakaya ba, maja ndohay \*Jœwif hay a da sœrdamata banay.

<sup>13</sup> Kwa ndohay ma sla mandawal hay a ta ray ata na, fa namar ray a kwakwas nga Mawiz tabiya daa ba. A wudam si ka slam mandawal na, amba a zlapam da ray akwar maja akwar ma tœbmara mey ata.

<sup>14</sup> Yah na, ya faa sœmey si da ray memœcey nga Bay alœkwa Mahura Yesu Kœriste fa hwadam mazlangalakaya gway, kwa ya faa sœmey da ray cek mekele na, daa ba. Maja memœcey nga Yesu Kœriste fa hwadam a na, ya nœkta cek hay da bœla kedœ anda cek hay nga tede fa mey adaw. Yah may, anda ndaw ma mœcey fa hwadam mazlangalakaya masa ta mbœkdata cek hay da bœla sem.

<sup>15</sup> Kwa ndaw ta sla mandawal la, kwa ta sla daa ba na, fa da mbœdœy cek daa ba. Cek mahura na, ara Gazlavay ma tœrdandakwar nga ndohay mawiya.

<sup>16</sup> Anja Gazlavay nga vœltar zazay, nga sœrfatar dey-ceceh a ndohay ma sœpmara mey a kedœ, lej a ndohay daa sœkway nga \*Israyel masa ma tœbmara mey nga Gazlavay fara fara.

---

**6:12 6.12** 5.2, 11    **6:14 6.14** 1Kwr 1.23, 29, 31; 2.2; Gal 2.19

**6:15 6.15** 5.6; Rm 6.3-4; 2Kwr 5.17; Ef 4.24    **6:16 6.16** Ps 125.4-5

<sup>17</sup> Dəga wure keɗe, anja ndaw ŋga həbya ray saba maja vevek \* ŋga mbəlek fa vaw aɗaw fa wuzdərwa yah ndaw ŋga Yesu.

<sup>18</sup> Məlma aɗaw hay, anja maaya ŋga Bay aləkwa Mahura Yesu Kəriste ŋga njey ta akwar tabiya. \*Amen.

---

\* **6:17 6:17** vevek: vavay, vevəlek    **6:17 6:17** 2Kwr 4.10    **6:18 6:18** Fəl 4.23; 2Tes 3.18; 2Tm 4.22; Flm 25; CWJ 22.21

**Mofu-Gudur**  
**The New Testament in the Mofu-Gudur language of**  
**Cameroon: Mejəwey-mey Mawiya**  
**Le Nouveau Testament en langue Mofu-Gudur**  
**(Cameroun)**

copyright © 2007 Wycliffe Bible Translators, Inc.

Language: Mofu-Gudur

Contributor: Aramaic Bible Translation, Inc.

All rights reserved.

2025-05-14

---

PDF generated using Haiola and XeLaTeX on 14 May 2025 from source  
files dated 14 May 2025

2b021919-36cf-59da-a35f-10c5e5548811